

Ekicweka 1

Rukundo n'ekyetengo ky'okukora ebirungi ahari buri muntu na buri kintu omu nsi etarikuhwaho.

Ekyetengo niki?

Nokuhurira noyenda ekintu ekiri kubaasa kukureetera okushemererwa n'okwesiima narishi kuhurira wananuka waheza kukibona narishi kukihikaho.

Ekirungi niki?

N'ekintu eky'amazima, ekibonaire, ekihikire, ekirikwesigwa, ekihikireire, eky'ekitiinisa, n'ebindi bingi.

Ensi etarikuhwaho niki?

N'ebyahangirwe byona omunsi n'omwiguru ebiteine ntandikiro na muheru kandi ebitari kuhwaho.

Ekicweka 2

Obwebembezi oburungi oburimu okukunda.

Obwebembezi niki? Ofiisi narishi omwanya gw'omwebembezi; amaani g'okubaasa kwebembera, ekikorwa narishi enkora y'okwebembera. Eki ensi egi erikwetaaga n'okuteeka omunkora **obwebembezi** obw'amaani!

Engyesho – emicwe y'omuntu narishi oku omuntu arikwetwaaza; embeera y'omuntu arikwetwaramu.

Omwete – okugira amaani omu nteekateeka n'omumicwe agarikukureetera kwenda kumanya n'okwejumbiramu, kuremeraho n'okugumisiririza akabi, okutiina narishi okugumirwa

Okucwamu narishi Okusharamu– kugira obushoborozi n'amaani kubaasa kucwamu narishi kusharamu; kubaasa kukora encwamu narishi kusharaho.

Okwegamirwa – kuba nobaasa kwesigwa narishi kwegamirwa; orikwesigwa

Obugumisiriza - kuba nobaasa kugumisiriza embeera embi narishi egumire; kuba nobaasa kwehangaanira ekintu ekiri kuhenda kandi kirikutoraho; ekyokureberaho nk'empaka z'okwiruka ebiringwa narishi engyendo ndingwa; ekikorwa ky'okugumisiriza narishi kwikiriza kubonabona; eky'okureberaho, kubaasa kuhangara orikugumisiririza ebyetengo by'omubiri.

Omujinya – kuhurira noyenda kukora ekintu narishi oine omuhimbo gw'ekintu, okucamuka; ekintu ekirikuhereza omuhimbo; omuzimbwe narishi eihato

Enteekateeka – idaara riri kutandikirwaho narishi eriri kwanjura ekintu narishi enkora; amaani narishi obwengye oburikworekwa kandi bukatebwamu omukutandikaho enkora narishi ekintu; kukora ekintu oyekundiire kandi nk'oku orikwenda otagyemirwe nasrishi hatariho ori kukutegyeka.

Oburungi – kukuratira kurungi emitwarize namunonga omu micwe hamwe n'ebikorwa; obutashumankura narishi obutiitiriza; kuba ori omumbeera

etebekeine etarimu bushumankuzi narishi okwitiriza: kuba ori omumbeera nungi; embeera yokuba ohikiriire narishi kuba atarikwahurwamu: okuhikiirira hamwe nokuba owa boona.

Okuramura– omuringo gw’okuha enteekateeka, kucwamu narishi kuramura otarikugwera rubaju kandi orikugyeragyeranisa ebintu bitari bimwe nabimwe; obushoborozi bw’okucwa orubanja, obutagweera rubaju; okuramura narishi okucwamu okuri kuruga owaruhanga.

Oburingaaniza – Okukuuma n’okuremera aha mazima narishi okucwamu ekirikyo kandi ekihikiriire, namunonga kurabira omu mateeka, hamwe n’abanyamateeka kuhurikiriza kandi bakashwijuma obwamusheija bw’embaju zoonza kubaasa kukora okucwamu okwamazima kandi okutarikugwera rubaju hamwe n’okuhereza ebifubiro ebishemeire; Kuteeka amateeka omunkora; omutindo gw’okukora ekihikiriire, ekitarikugwera rubaju narishi ekirungi; Okukuratira amazima, nyamateeka, obwamusheija narishi enshonga; okuhikiirira.

Amagezi – nyamateeka narishi omuringo gw’okumanya ekintu kurabira omu kuhangarira omurumanyimanyi narishi okwemanyiiza; okumanyiira narishi okwetegyereza ebya sayansi, ebishushani n’ebikorwa, narishi obuhangu; embeera y’okubaasa kwetegyereza amazima narishi nyamateeka kurabira omu kuteekateeka; okukozesa obwonko; ebintu eby’amazima, okumanya, amateeka hamwe n’engyenderwaho eby’omuntu arikubona; Obwengye.

Obwesigye – embeera y’okuba omwesigwa; okuhurira n’okworoba okutarikuhinduka; kuba omwesigwa omukworobera amateeka ga gavumenti n’omuntu ori omu bwebembezi otiremu n’obukama bwa ruhanga ishe boona obw’omunsi nomw’eiguru.

Obwegyendesereza – okubanza wateekateeka aha ky’orikuza kukora narishi eky’orikuza kugamba kugira ngu okuume omukago murungi nabandi narishi kubaasa kwerinda okushagiza abanda.

Obutagira bunyakantu – obuteyendeza; efura; okugaba, okuhereza, okugabana; nikirungi kuhereza kusinga okwakiira.

Kwerekyesa narishi okwesaasira– kutegyeka ebikorwa, ebiteekateeko narishi oku omubiri guri kuhurira; kuzibira; kutegyeka emicwe erikuretaho

okwemarira omu byetengo narishi ebyorikwenda; kutegyeka narishi okwesaasira okukozesa ebintu ebirikusiza

Obumanzi- amaani omubwonko agarikuretera omuntu kurwanisa akabi narishi kugumisiriza obusaasi narishi obuzibu n'omwete.

Obunyabwengye – kubaasa kwetegyeka n'okwehana orikurabira omu kuteekateeka; okukozesa obwengye omukukora ahanshonga; obuhangu hamwe n'okucwamu kurungi omukukozesa ebintu; Okurabura narishi kwegyendesereza akabi narishi obugyengye.

Okwikiriza n'okugumisiriza– okugumisiriza narishi okwejumbira omu nyikiriza narishi ebikorwa ebirikutaana narishi ebitarikiwikirizana nebyawe; ekikorwa ky'okwikiriza ekintu; okwikiriza n'okugumisiriza. Kuri twabiire tutari bantu hamwe n'emyoyo erikwikiriza kandi erikugumisiriza, obwahati titwakubire twine ensi nungi erimu enyikiriza n'ebikorwa bitarikushushana. Mbweni tukabiire tugine?

Omuntu kuyakuba naburamu kimwe narishi bingi aha bintu ebi kandi “arikwetwaaza” nk'omwebembezi, ogwe naba **ATARI** mwebembezi murungi ow'amazima. **N'ekifamutima** kitarikumanya eky'okukora!

Ekicweka 3

Okukoragana okurungi okurimu okukunda

Bury'omwe na burikimwe birikuhereza n'okukoragana ahabw'oburungi bw'ensi n'eiguru; omurimu ogurikukorwa akakuku k'abantu barikukoragana kurungi kandi beine okukunda kugira ngu buri muntu akoreho ekicweka ekirikugaita aha burungi bw'ensi n'eiguru byoona.

Ekicweka 4

Obuteeeka, okurabuka n'entunguuka biri omu kabi eminyeto yayanga kwejumbira omu mitwarize emirungi, eboneire kandi ey'amazima, omukushoma soshorogye, enyikiriza, firosoba, ebishushani, ediini hamwe n'okumanya eby'oburugo bw'ensi.

Kuruga aha bintu ebirikureeta rwango, ekiniga, okutiina, eihari, okwegomba, eitima, okwerarikirira, obutikiriza hamwe n'obutagumisiriza.

Emitwarize niki?

N'enkora y'okutaanisa ekirungi n'ekibi, ekihikire n'ekigwire hamwe n'okukuuma engyesho hamwe n'obujunaanizibwa.

Soshorogye niki?

N'okushoma ah'abantu n'embeera zabo narishi okushoma aha mpindahinduka n'entunguuka omubantu n'ebirikugireeta, okubarikukwatanisa n'okubarikutuura hamwe, hamwe n'emicwe, emitwarize n'engyesho zaabo.

Eby'obuhangwa niki?

Nenkora y'okwikiririza narishi kushagika ekikura, obuhangwa n'ekika ky'abantu egyendereire kutunguura obwingi n'obuhangwa bw'ekika ky'abantu abo.

Firosoba niki?

N'enkora erimu okwecumitiriza, okwetegyereza n'okusiima oburungi n'obuhangwa bw'ebintu n'abantu, emitwarize, enyikiriza hamwe n'okushoma aha buhangwa, oburugo bw'abantu hamwe n'obukomooko bw'amagezi g'omuntu; okuronda obwengye.

Ebishushani niki?

Ebishushani ebirungi n'ebiboneire (nka ebisiige, ebibumbe, narishi ebyeshongoro) ebikwatiriine nokukora ebintu ebirungi n'ebiboniire.

Ediini niki?

Okuhereza n'okuramya Ruhanga, Ishe boona ab'omunsi nab'omwiguru, hamwe nokukora ebyarikukunda.

Okumanya eby'oburugo na muheru gw'ensi niki?

N'okushoma ahabikwatiriine n'oburugo bw'ensi n'ebyagihangirwemu byona kandi ebitarikuhwaho.

Ekicweka 5

Obukama bwomw'eiguru bwiriire haihi.

Okurabira omukwikiriza omuri ruhanga tataitwe nobaasa kutaaha omu bukamaka bwomw'eiguru, ekirikukuretera kuba mutabani narishi muhara wa Ruhanga.

Rukundo n'eiteeka omukuhereza n'okubeeraho omu bukama bwa Ruhanga obwe orikukunda mutaahi waawe nk'oku oyekunda.

Okworobera ebi ruhanga taataitwe akuunda, n'okureeta ebijuma by'omwoyo orikwera omumagara g'omuntu, n'eiteeka ry'obukama bwa ruhanga.


Oku oshemereire kusha -

Ruhanga, ishe boona abomw'eiguru nab'omunsi, ninkushaba ompeereze obwengye, okwetegyereza, kandi onyebembere omukukora eby'okuunda kugira ngu mbaase kuhikirize ebigyendererwa by'eiguru neby'ensi eby'ontekateekiire. Reka emibiri n'emyoyo y'omwiguru yoona enyorekye omuhanda... (kozesa eby'okureeberaho)

Oku oshemereire kweteisa, oku oshemereire kushaba okusaasirwa, narishi kugira ngu “ nsaasira” —

Ruhanga, ishe boona abomw'eiguru nab'omunsi, omumazima agahikiriire nsaasira ahabw'... (Kozesa eby'okureeberaho)

Ekicweka 6



Okujeemera n'obutorobera Ruhanga nkana, ishe boona abomw'eiguru nab'omunsi, nikirugamu okuhwerekyerera kw'omuntu. Ruhanga taryiija kugaaniizibwa narishi kuzanisibwa!